

Ս. Ա. ՎԻՐԱՐՅԱՆ

ՄԵԼԻՈՐԱՏԻՎ ԸՆԿԵՐՈՒԹՅՈՒՆՆԵՐԸ ՍՈՎԵՏԱԿԱՆ ՀԱՅԱՍՏԱՆՈՒՄ

(1926—1930 թթ.)

Սովետական Հայաստանը ցարական կառավարությունից ժառանգեց անբարեկարգ և քայքայված ոռոգման սիստեմ։ Ցարական կարգերում ջրաբաշխում կատարելիս ոչ միայն հաշվի չէր առնվում յուրաքանչյուր գյուղի կամ գյուղաշրջանի աշխարհագրական դիրքը, հողի կազմությունը, զանազան կուլտուրաների աճեցման խնդիրը, այլև յուրաքանչյուր գյուղի կարիքի չափը։ Ջուրը մի քանի միջոցով ձեռք բերելու և առարկա էր, որի հետևանքով առաջանում էին ոչ միայն անհատ կուլակներ, այլև կուլակ գյուղեր։

Տիրապետող դասակարգերը իրենց ձեռքում կենտրոնացնելով լավագույն հողերն ու ջուրը, դաժանորեն ճնշում ու կեղևքում էին աշխատավոր գյուղացիությունը։

Հայաստանի աղյուսակալության գլխին դամոկլյան սրի պես կախված էր ջրի հարցը։

Դաշնական տիրապետության տարիներին ոռոգվող հողատարածությունները խիստ պակասեցին։ 1913 թ. 97 հազար հեկտարի փոխարեն 1920 թ. կազմեցին 60,4 հազար հեկտար։

Ոռոգման սիստեմի դարդացման և հին, ավանդաբար մնացած սովորությունները արմատախիլ անելու համար Սովետական Հայաստանի Հեղկոմը 1921 թ. հունվարի 31-ի հատուկ դեկրետով պետականացրեց ոռոգման ջուրը։ Դեկրետում ասված էր. «Հայաստանի խորհրդային հանրապետության սահմաններում գտնվող բոլոր ջրերը, այսինքն՝ գետերը, լճերը, լճակները, ճահճները, աղբյուրները և ջրանցքները, առուներն ու այլ նմանօրինակ կառուցվածքներն իրենց բոլոր արհեստական սարքերով դառնում են պետական սեփականություն՝ առանց որևէ հատուցման»¹։

Դեկրետով ընդմիջտ վերջ տրվեց ջրաբաշխական սիստեմում եղած աննորմալ վիճակին և սահմանվեցին հողագործների շահերից բխող ջրօգտագործման նոր կանոններ։

Սովետական Հայաստանում ջրաշինարարական աշխատանքներն սկսվում են 1921 թ. գարնանից։ Ավերված ու քայքայված ջրանցքների վերականգնման համար պետությունը հատկացնում է 750 փութ ցորեն և 800 ուրլի ոսկով։ 1922 թ. հատկացվեց 14300 ուրլի ոսկով և մեծ քանակությամբ ալյուր։ Այդ ժամանակաշրջանում ոռոգվող հողատարածությունները հասան միլիարդ տեղաբաժանի 90% -ին։

1923 թ. պլանային կարգով սկսվեց ոռոգման ցանցի ընդլայնումը։ Հայաստանի աշխատավորները ողևորված հարազատ կուսակցության ու կառավարության հողատարությունից և ոռոգման սիստեմի ընդարձակման մասին Վ. Ի. Լենինի ցուցումներից, խանդավառությամբ մասնակցում էին ջրաշինարարական աշխատանքներին։

1923 թ. Զանգիբադի, Կառնիբադի, Վեդիբադի, Սարգարաբադի և Ապարանի ջրային շրջաններում սկսվեց ջրանցքների ու առուների մաքրումը՝ 1600 կմ տարածությամբ։ Այդ աշխատանքներին մասնակցեց 160 հազար մարդ²։ Իսկ 1924 թ. նույն ջրային շրջաններում մաքրվել է 1400 կմ տարածություն, որին մասնակցել է 90 հազար մարդ։ 1923 թ. մարտի 14-ին Կոչ գյուղում հավաքվում են էջմիածնի գավառի Սամաղարի և Աշտարակի շրջանների 11 գյուղերի աշխատավորներ և որոշում կառուցել Կոչի ջրանցքը, իրար միացնելով Արերդի ձորից դուրս եկած 11 առուները³։

1924 թ. Ղամարլուի շրջանի աշխատավորները մաքրում են ընդհանուր առուների 70% -ը։ Այդ առուների ու ջրանցքների մաքրման աշխատանքներին մասնակցել է 15 հազար մարդ⁴։

1 Տե՛ս ՆՍԽՀ դեկրետների և հրամանների ժողովածու, պրակ 1, էջմիածին, 1924, էջ 101։

2 Տե՛ս ՆՍԽՀ ՀՀՄՊԿԱ, ֆ. 174, ց. 1, գ. 45, թ. 191։

3 Տե՛ս նույն տեղում, գ. 6, թ. 66—88։

4 Տե՛ս նույն տեղում, ֆ. 174, ց. 1, գ. 37, թ. 4։

1925 թ. Հենինականի ջրային շրջանում մաքրվեց 148 կմ տարածություն, որին մասնակցեց 2130 մարդ, նույն թվականին էջմիածնում մաքրվեցին ու վերականգնվեցին 65, Լրեանի ջրային շրջանում՝ 83 մեծ ու փոքր ջրանցքներ՝ 177⁵ կմ ընդհանուր երկարությամբ, Այդ աշխատանքներին մասնակցեց 75933 բանվոր⁶։ Միայն 1925 թ. ոռոգման սխեմայի վերականգնման համար պետության կողմից որպես վարկ տրամադրվեց 113446 ռուբլի և 11650 փութ հացահատիկ⁷։

1923 թ. սկսվում են ճահիճների շորացման աշխատանքները, որով զբաղվում են ՀՍՍՀ Ժողկոմխորհի գերագույն տեխնիկական բաժինը, առողջապահության ժողկոմին կից ջերմախտի դեմ պայքարող հանձնաժողովը և Անդրջրտեսեսությունը։

Ոռոգելի հողատարածություններն ընդարձակելու նպատակով 1922 թ. սեպտեմբերի 1-ին ՀՍՍՀ Ժողկոմխորհը որոշում է ստեղծել հանրապետության ջրային տնտեսության վարչություն։ Նորաստեղծ ջրային տնտեսությունը մշակում է ժամանակավոր կանոններ՝ ջրօգտագործմանը մասնակցողների ժողովներ հրավիրելու և ջրային շրջանների համար պաշտոնատար անձինք ընտրելու կարգի վերաբերյալ։

1925 թ. հեղեղներից վտանգը կանխելու համար կազմակերպվում են 11 ջրային պոստեր՝ Արաքս, Ախուրյան, Վանաձոր, Քասախ և Գառնիչայ գետերի վրա, ՀՍՍՀ ներքին գործերի ժողկոմխորհարար 1925 թ. փետրվարի 10-ին հեղեղներից վտանգը կանխելու համար կազմակերպում է «Արտակարգ եռյակներ», որոնք պետք է կազմակերպեն հեղեղների դեմ պայքարը⁸։

1923—1924 թթ. հանրապետության շրջաններում և գավառներում տեղի են ունենում ջրաբաշխական համագումարներ, 1923 թ. սպրիլի 29-ին Քանաքեռում կայանում է Կոտայքի շրջանի ջրաբաշխական համագումարը, որը որոշում է վերացնել ջրաբաշխման հին կանոններն ու սովորությունները և չուրը բաշխել ըստ գյուղերի՝ բահերով⁹։

1924 թ. ապրիլի 25-ին Նոր Բայազետի գավառի ջրաբաշխական համագումարը, որին մասնակցում էին գավառի 34 գյուղերի պատգամավորներ, որոշում է զավգործկոմին կից ստեղծել ջրային հանձնաժողով, որը պետք է ունենար ջրաբաշխական բաժին՝ բաղկացած գավառի միության, միության գործավարից, երկու չուվարից և երեք թղթատար-ծիավորից¹⁰։ 1923—1924 թթ. ջրային հանձնաժողովներ են ստեղծվում նաև Հայաստանի մյուս գավառներում։ Այս հանձնաժողովները լուծում էին ջրօգտագործողների վեճերը, կարգավորում ջրօգտագործումն ու ջրաբաշխումը, կազմակերպում առուների ու ջրանցքների մաքրում, պատենշում վարաբաժ գետերը, պայքարում հեղեղումների դեմ, կառուցում նոր ջրանցքներ։

1925 թ. մայիսի 27-ին հաստատված «ՀԽՍՀ ջրային շրջանների ժամանակավոր կանոնադրության» համաձայն Հայաստանը բաժանվում է ինը ջրային շրջանների՝ Հենինականի, Բալիկի, Սարգարաբատի, էջմիածին-Ապարանի, Զանգիբասարի, Ղրիսրուլաղի, Գառնիբասարի, Վեդիբասարի և Գյոկչայի-Նոր Բայազետի¹⁰։ Կանոնադրության համաձայն ջրային շրջանի բոլոր ջրային գործերը վարում էր ինժեներ-հիդրոտեխնիկը, որն ուներ իր գրասենյակը գավառային կենտրոնում, տվյալ շրջանի ջրային գործերը վարելու պարտականությունները հանձնարարվում էր ջրօգտագործման բոլոր մասնակիցների կողմից ընտրված լիազորին՝ միության (շրջանային ավագ, ջրբաշխ), չուվարներին (ջրանցքների հսկիչ) և ջրերի ավագներին (ջրաժան)։

Համաձայն ջրային շրջանի կանոնադրության, լիազորը ընտրվում էր մեկ տարի ժամանակով և հաստատվում զավգործկոմի կողմից, Միության ընտրվում էր գյուղում, դարձյալ մեկ տարի ժամանակով և հաստատվում ջրգործկոմի կողմից։

Կուսակցության ու կառավարության ձեռնարկած միջոցառումների շնորհիվ և Հայաստանի աշխատավորության խանդավառ աշխատանքի հետևանքով 1922—1925 թթ. ընթացքում վերականգնվեցին 430 մեծ ու փոքր ջրանցքներ՝ 3220 կմ ընդհանուր երկարությամբ, և կառուցվեցին ու շահագործման հանձնվեցին էջմիածնի, Էվջիլարի, Կարճևանի, Դավալուի, Արագայանի, Արգաթանի, Փոքր Սարգարաբատի, Շիրակի ջրանցքները, էջմիածնի ջրանցքի շահագործման շնորհիվ Արարատյան դաշտավայրում ջրովի հողամասերն ավելացան 120 դեսյատինով, Էվջիլարի ջրանցքի շնորհիվ՝ 1600 հեկտարով, Շիրակի ջրանցքը ոռոգեց 10800 հեկտար անջրդի հողատա-

5 Տե՛ս նույն տեղում, գ. 46, թ. 8։

6 Տե՛ս նույն տեղում։

7 Տե՛ս նույն տեղում, ֆ. 174, դ. 1, գ. 55, թ. 109։

8 Տե՛ս նույն տեղում, գ. 4, թ. 26։

* Մեկ բահ՝ չուրը հավասար է 20 լիտր/վայրկյանում։

9 Տե՛ս նույն տեղում, գ. 22, թ. 19։

10 Տե՛ս նույն տեղում, ֆ. 174, ց. 1, գ. 52, թ. 21—22։

րածություն, Սարգարապաղի ջրանցքը՝ 8000 ղեսյատին: Ոռոգման սխեմայի ընդարձակման շնորհիվ 1925 թ., ժողովրդական տնտեսության վերականգնման վերջին տարում, հանրապետությունում ոռոգելի հողատարածությունը անցել էր մինչպատերազմյան 97 հազար հեկտարից և 1922 թ. համեմատությամբ հացահատիկային կուլտուրաների ցանքատարածությունները ավելացել էին 230 0/0-ով, 91,2 հազար հեկտարից հասնում էին 255,7 հազար հեկտարի:

Հանրապետության ոռոգման սխեմայի զարգացման և գյուղատնտեսության սոցիալիստական վերակառուցման գործում մեծ նշանակություն ունեցավ գյուղացիական տնտեսությունների կոոպերացումը: Վ. Ի. Հենինի կոոպերատիվ պլանի հիման վրա 1924 թ. օգոստոսի 30-ին հանրապետությունում կազմակերպվեցին գյուղատնտեսական արտադրական կոոպերացիայի պարզ ձևեր և առանձին վարկային ու մեխորատիվ ընկերություններ, որոնց նպատակն էր գյուղացիության կապերն ամրացնել սովետական իշխանության հետ և ամրապնդել բանվոր դասակարգի ու գյուղացիության դաշինքը, կազմակերպել գյուղատնտեսական արտադրությունը, ձեռք բերել գյուղգործիքներ, սերմացու:

1925 թ. հունվարին Հայաստանում գործում էին 104 կոոպերատիվ արտելներ ու ընկերություններ, իսկ 1926 թ.՝ 205, որոնց մեջ ընդգրկված էին 30075 գյուղացիական տնտեսություններ¹¹: 1928 թ. գյուղկոոպի պարզ ձևերում ընդգրկված էին 62 հազար տնտեսություն:

Հանրապետության ոռոգման սխեմայի զարգացման պատմության մեջ իրենց ուրույն տեղն ունեն մեխորատիվ ընկերությունները, որոնք շահագործում էին գործող ոռոգման սխեմաները: Մեխորատիվ ընկերությունների կազմակերպման հարցում Ռուսաստանում աշխատանքներն ըսկըսվել էին դեռևս 1922 թ.: Այնտեղ կազմակերպվել էին մոտ 5000 մեխորատիվ ընկերություններ՝ իրենց մեջ ընդգրկելով 600 հազար գյուղացիական տնտեսություններ¹²:

1926 թվականի փետրվարի 15-ից 22-ը տեղի է ունեցել համառուսական մեխորատիվ առաջին խորհրդակցությունը, որը որոշել էր.

1. Ուժեղացնել գյուղական ազգաբնակչության հետագա նախաձեռնությունը:

2. Ազգաբնակչության միջոցները և ուժերը ավելի լայն մոբիլիզացնել ինքնագործունեության իմունքներով:

3. Ամբողջ մեխորատիվ շարժումը մտցնել կոոպերատիվ հունի մեջ¹³:

Սովետական Ռուսաստանի և եղբայրական մյուս հանրապետությունների օրինակով ՀՍՍՀ ժողովրդական կոմիսարների խորհուրդը 1926 թ. հունվարի 15-ին հաստատում է «ՀՍՍՀ մեխորատիվ ընկերությունների նորմալ կանոնադրությունը», որի առաջին պարագրաֆում շարադրված էր ընկերությունների խնդիրները: Կանոնադրությունում նշված էր ընկերությունների անդամների իրավունքներն ու պարտականությունները:

Սովետական Հայաստանում մեխորատիվ ընկերությունները ստեղծվել են 1926 թ.: Առաջին մեխորատիվ ընկերությունը կազմակերպվել է Երևանի գավառի Ալիմամեդ գյուղում 1926 թ. մայիսին¹⁴:

Հայաստանում կազմակերպված մեխորատիվ ընկերությունների նպատակն էր գյուղացիական լայն զանգվածներին ընդգրկել ջրատնտեսական կառուցվածքների ղեկավարման գործում, թեթևացնել պետության բեռը ջրային ցանցի շահագործման հետ կապված ծախսերի նկատմամբ և միաժամանակ ներգրավել գյուղացիության մասնավոր միջոցները ջրաշինարարության մեջ:

Մինչև 1927 թ. մարտի 25-ը Սովետական Հայաստանում գործում էին 16 մեխորատիվ ընկերություններ, որոնց մեջ ընդգծված էին 3377 տնտեսություն՝ 10926 ղեսյատին հողով: 1928 թ. կար 18 ընկերություն, որտեղ ընդգրկված էին մեխորացիայի դժով կոոպերացման ենթարկված 11560 տնտեսություն, որը կազմում էր գյուղատնտեսությամբ զբաղվող տնտեսությունների 72,3 0/0-ը: Յուրաքանչյուր ընկերություն միջին հաշվով ընդգրկում էր 770 տնտեսություն:

Մեխորատիվ ընկերությունները 1926—1927 թթ. ընթացքում վարկային ընկերություններից ստացել են 357324 ռ.: Յուրաքանչյուր ընկերություն միջին հաշվով ստացել է 23854 ռ. վաթկ¹⁵:

11 Տե՛ս «ՀՍՍՀ ժողովրդական տնտեսությունը 1924—1925 և 1925—1926 թվականներին», Երևան, 1927, էջ 19:

12 Տե՛ս ՀՍՍՀ ՀՀՍՇՊԿԱ, ֆ. 174, ց. 1, գ. 70, թ. 8:

13 Տե՛ս նույն տեղում, գ. 70, թ. 8:

14 Տե՛ս նույն տեղում, գ. 71, թ. 3:

15 Տե՛ս նույն տեղում, ֆ. 174, ց. 1, գ. 71, թ. 3:

Մեխիորատիվ ընկերությունները Սովետական Հայաստանում 1926—1928 թթ.¹⁶

Ընկերությունը	Ընկերության անունը	Կազմակերպված թիվը	Ընկերության ղեկավարի անունը	Տնօրենի անունը	Ստանդարտացված ընկերության թիվը	Վարկերի քանակը (առարկա)
Ալիմամեդի	Աղիգբեկովի անվան	1926	3	422	320	13650
Արմաշի	Կասյանի անվան	1927	4	210	134	700
Դավալուի	«Աղատարար»	1927	1	429	1485	6200
Իրևանի միացյալ		1928	5 ընկ.	1073	2715	2000
Լենինականի		1927	11	3376	6644	14260
Կարճևանի		1927	7	133	850	9000
Կոտայքի	«Արխրուսիդ»	1928	14	2405	3544	1000
Կոթիգյուղի		1927	1	104	300	150
Անրերդի		1927	11	1100	3000	1300
Ջիթհանքովի	Սպանդարյանի անվան	1926	10	1513	6898	700
Մեղրու	Մյասնիկյանի անվան	1927	1	180	200	6900
Նորադավիթի	«Աշխատանք»	1926	9	1635	1505	1000
Նոր Բայազետի		1926	1	1104	3600	1400
Շվանիձորի	Շահումյանի անվան	1927	1	150	250	1000
Ջողաղի	«Հույս»	1927	1	60	280	400
Վաղարշապատի		1926	2	1200	1646	2200
Դավան Ղշլաղի		1927	1	212	388	150
		88	15306	33759	62010	

Լենինականի զավառի առաջին զավառակի մեխիորատիվ ընկերությունը ընդգրկում էր Դյուզ-բենդ (Ախուրյան), Դիրաբլար (Կառնուտ), Հաջինազար (Կամո), Թոփաուլի (Հացիկ), Ղարաբի-լիսա (Ազատան), Ալեքսանդրովկա (Ղարիբջանյան), Օրթաբիլիսա (Մայիսյան), Ղոնախղոան (Շիրակ), Թափաղուլակ (Արևիկ), Վերին Ղանլիջա (Վահրամաբերդ), Ներքին Ղանլիջա (Մա-մաշեն) գյուղերը:

Այս տասնմեկ գյուղերն ունեին 6644 դեպյատին ջրովի հողեր, ընկերության անդամներ էին վերոհիշյալ գյուղերի 3376 գյուղացիական տնտեսություններ¹⁷:

Տնտեսությունների փայավճարի չափը, համաձայն լիազորական ժողովի, սահմանված էր յուրաքանչյուր մեկ դեպյատին հողամասի համար 3 ոուրլի, իսկ յուրաքանչյուր տնտեսությունից մուտքի վճար՝ 50 կոպեկ¹⁸:

Լենինականի մեխիորատիվ ընկերությունը տեղի վարկային ընկերությունից որպես վարկ ըս-տացել էր 89 հազար ոուրլի: Ընկերությունն ուներ վարչություն, որի աշխատանքները ղեկավարում էր նախագահը: Վարչությունն ուներ հաշվապահ, դրամ հավաքող, գանձապահ: Ընկերությունն ուներ վերստուգիչ հանձնաժողով, որը հաճախակի ստուգում էր ընկերության գործունեությունը:

Վարչությունը լույս էր ընծայում պատի թերթ, որտեղ լուսաբանվում էր գյուղատնտեսության սոցիալիստական վերակառուցման գործում մեխիորատիվի նշանակությունը: Լենինականի մե-խիորատիվ ընկերության անդամների մասնակցությունը ջրաշինարարական աշխատանքներին ար-տահայտվում էր նրանում, որ նրանք 1927 թ. Շիրակի ջրաճեքին մատակարարել են 8000, իսկ 1928 թ. 30 հազար բանվոր¹⁹:

Սկզբնական շրջանում մեխիորատիվ ընկերություններն անդամագրում էին բոլոր շահագրգռ-ված ջրօգտագործողներին՝ առանց դասակարգային խտրականության: Դա արվում էր հետևյալ

¹⁶ Տե՛ս նույն տեղում, գ. 83, 84, 85, 90, 99.

* Տվյալները՝ 1961 թ. դրամով:

¹⁷ Տե՛ս նույն տեղում, ֆ. 174, ց. 1, գ. 71, թ. 3.

¹⁸ Տե՛ս նույն տեղում:

¹⁹ Տե՛ս նույն տեղում, գ. 83, թ. 31.

պատճառով. որքան շատ էր ընկերության անդամ հանդիսացող տնտեսությունների թիվը, այնքան տնտեսապես ուժեղ էր ընկերությունը:

Այսպես, օրինակ, Նոր Բայազետի մելիորատիվ ընկերությունն ընդգրկում էր 1104 տնտեսություն, որից չքավորներ էին 274, միջակներ՝ 670, ունեւորներ՝ 140, կուլակներ՝ 10 տնտեսություն²⁰:

Սովետական Հայաստանի գյուղական աշխատավորությունը ուրախությամբ էր մտնում մելիորատիվ ընկերությունների մեջ: Ընկերություններ հիմնելու նպատակով կայացած ժողովներն անցնում էին չքավոր գյուղացիության ակտիվ մասնակցության պայմաններում:

Հայ գյուղացին խանդավառությամբ էր մասնակցում ջրաշինարարական ամեն մի աշխատանքին և ժամանակին մուծում ջրային տուրքը՝ ջրելավարձը:

Մինչև 1929 թ. Հայաստանում գործող մելիորատիվ ընկերությունները հավաքել էին 120340 ուրլի ջրային տուրք²¹: Սովետական կառավարության և կոմունիստական կուսակցության հոգատարության շնորհիվ չքավոր գյուղացիությունն ու միջակ գյուղացիության զգալի մասը 1926 թ. ազատվեցին գյուղատնտեսական հարկից: Մելիորատիվ ընկերություններում ընդգրկված չքավոր տնտեսություններն ազատվեցին ջրային տուրքից: 1929 թ. հունվարի 3-ին Վաղարշապատի մելիորատիվ ընկերությունը որոշում է զիջել չքավորների ջրային հարկից զույացած 1926, 1927 և 1928 թվականների պարտքը²²:

Ջրային հարկից զարտուղի ճանապարհով երբեմն ազատվում էին նաև կուլակները: Բանն այն էր, որ կուլակները ցանում էին չքավորների հողերը՝ կիսրար: Ջրելավարձը մնում էր հողատիրոջ վրա: Չքավոր հողատիրոջ հարկը զիջվում էր, իսկ ընկերությունը տնտեսապես տուժում:

1926—1929 թթ. ընթացքում մելիորատիվ ընկերությունները, չքավորության ջրելավարձը զիջելու պատճառով, վարկային ընկերություններին պարտք էին մնացել 90 հազար ուրլի²³:

Երբեմն ընկերություններում սողոսկում էին այնպիսի տարրեր, որոնք առանձին հարցերում պաշտպանում էին կուլակների ու ձայնագուրկների շահերը: Վաղարշապատի մելիորատիվ ընկերության ղեկավարությունն ընկել էր կուլակային տարրերի ձեռքը, որոնք տուժեցրել էին ընկերության աշխատանքները, ճիշտ չէին տարել դասակարգային գիծը: Ամռան ամիսներին ջուրը տրամադրվել էր կուլակներին և ունեւորներին, որի հետևանքով շորացել էին ընկերության անդամ հանդիսացող Ալիբեղլու գյուղի չքավոր և միջակ տնտեսությունների այգիներն ու բանջարանոցները:

Ընկերության անդամները լիազորական ժողովում սկզբունքորեն քննադատում են ղեկավարության անթույլատրելի սխալները, աշխատանքները զնահատում անբավարար և փոխում ղեկավարությունը²⁴:

1929 թ. օգոստոսի 2-ին ԽՍՀՄ Կենտգործկոմը որոշում է ընդունում ջրային տնտեսությունների և բամբակացան շրջանների աշխատանքների կարգավորման միջոցառումների մասին:

Որոշման մեջ ասված է.

Հանձնարարել Միջին Ասիայի և Անդրկովկասյան սովետական հանրապետությունների մելիորատիվ ընկերությունների կենտրոններին.

ա) անցկացնել մելիորատիվ ընկերությունների սոցիալական դրության հաշվառում՝ մաքրելով ընկերությունների վարչությունները սոցիալական այլ, կողմնակի տարրերից.

բ) անցկացնել գոյություն ունեցող մելիորատիվ ընկերությունների վերագրանցում²⁵:

Այս որոշումը աշխուժություն մտցրեց մելիորատիվ ընկերությունների աշխատանքում: 1928 թ. հուլիսի 1-ին Երևանի հինգ մելիորատիվ ընկերությունները (Մյասնիկյանի անվան, Շահումյանի անվան, Նարիմանովի անվան, Նորք-Գետառչայի և Նորագյուղի) միավորվում են մեկ միացյալ ընկերության մեջ և վտարում ձայնագուրկներին²⁶: Ձայնագուրկներին վտարում են նաև մյուս ընկերությունները:

Անդնահատելի աշխատանք կատարեցին Սովետական Հայաստանում գործող մելիորատիվ ընկերությունները: Նոր Բայազետի մելիորատիվ ընկերությունը ջրաշինարարական մեծ աշխատանք կատարեց: Գյուղբանկից ստանալով 14 հազար ուրլու վարկ, քաղաքում պատրաստեց մի քանի ջրհորներ՝ խմելու և ոռոգելու նպատակով:

20 Տե՛ս նույն տեղում, ֆ. 174, ց. 1, գ. 92, թ. 6:

21 Տե՛ս նույն տեղում, գ. 99, թ. 1:

22 Տե՛ս նույն տեղում, ֆ. 174, ց. 1, գ. 77, թ. 7:

23 Տե՛ս նույն տեղում, գ. 95, թ. 13:

24 Տե՛ս նույն տեղում, գ. 77, թ. 17:

25 Տե՛ս նույն տեղում, ֆ. 174, ց. 1, գ. 95, թ. 15—19:

26 Տե՛ս նույն տեղում, գ. 79, թ. 66:

Հենինականի 4-րդ գավառամասի Զիթհանքովի ընկերությունը կարճ ժամանակամիջոցում կառուցեց Բուղդաշեն-Աղյամանի ջրանցքը և խմելու ջրով ապահովեց շրջանի 20 գյուղերը։ Ալի-մահմեդի ընկերությունը կառուցեց Խոր Վիրապի ջրանցքը և չրհան կայանը։ Ջրաշինարարական մեծ աշխատանքներ կատարեցին Մեղրու շրջանում գործող երեք մելիորատիվ ընկերությունները։ Կարճևանի ընկերությունն ընդարձակեց Կարճևանի ջրանցքի ոռոգման սխեման, Մեղրու Ալ. Մյասնիկյանի անվան ընկերությունը գյուղում ոռոգելի դարձրեց հարյուրավոր հեկտար հողատարածություն, որտեղ հետագայում մշակվեցին խաղողի ու պտղատու այգիներ։ Շվանիձորի Ստ. Շահումյանի անվան մելիորատիվ ընկերությունը պատրաստեց մի քանի ջրհորներ։ Դիլիջանի գավառի Ջողաղի «Հույս» և Կոթիգյուղի ընկերությունները իրենց գյուղերն ապահովեցին ոռոգման ջրով։ Ջողաղցիները կառուցեցին վեց կիլոմետր երկարությամբ ջրանցք։ Հենինականի գավառի 6-րդ գավառամասի Տավշան Ղշաղ գյուղի մելիորատիվ ընկերությունը Հայգյուղ բանկի մեկնագից ստանալով 1500 ռուբլու վարկ, կարճ ժամանակամիջոցում կառուցում է գյուղի ջրանցքը, որն ապահովում էր գյուղացիներին և՛ խմելու և՛ ոռոգման ջրով²⁷։

Նորագավիթի «Աշխատանք» ընկերությունը, որը միավորում էր Երևանի գավառի 9 գյուղի տնտեսությունները, կանոնավորեց ջրամատակարարումը և վերացրեց ջրօգտագործման ու ջրաբաշխման հին ձևերը։ Երևանի հինգ մելիորատիվ ընկերությունները վերակառուցեցին Մամոնի, Արու հայաթի և Հին Դավաթի ջրանցքները։ 1928 թ. հուլիսի 1-ին այդ ընկերությունները միավորվում են մեկ մելիորատիվ ընկերության մեջ²⁸։

Ս. Կասյանի անվան ընկերությունը ընդգրկում էր Արմաշ, Արազդայան, Սուրենավան և Սմո գյուղերը։ Ընկերությունը պետությունից ստանալով 7000 ռ. վարկ, զգալի աշխատանք կատարեց ճահիճների շորացման ուղղությամբ և անցկացրեց նոր առուներ ու ջրանցքներ Արազդայանի տափաստանում։

Սկզբնական շրջանում ջրելավարձը գանձում էին մելիորատիվ ընկերությունները։ 1929 թ. սկսած ջրելավարձի գանձումը անցնում է Հայջրտնտեսության իրավասության տակ։ Մելիորատիվ ընկերությունները այլևս չէին կարող մարել վարկային ընկերությունների պարտքերը։ Բացի դրանից, ընկերության եկամուտները չէին ծածկում նրանց առօրյա ծախսերը։ Վաղարշապատի մելիորատիվ ընկերությունը ծախսել է 32 հազար ռուբլի, մինչդեռ ջրային տուրք է հավաքել 5600 ռուբլի²⁹։ Այս դրությունը շտկելու նպատակով ՍՍՀՄ Բանգյուղտեսությունն առաջարկում է մելիորատիվ ընկերություններն անջատել ջրային տնտեսություններից և միացնել գյուղկոոպին։ 1928 թ. փետրվարի 29-ին ՀՍՍՀ Կոոպերատիվ խորհրդի նախագահությունը որոշում է զարգացնել մելիորատիվ ընկերությունները և հնարավորության դեպքում նրանց միավորել Հայգյուղկոոպի սխեմանում³⁰։

Որոշման մեջ ասված է.

«Ի նկատի ունենալով, որ մելիորատիվ ընկերությունները ըստ իրենց էության կոոպերատիվ կազմակերպություններ են, հետագայում գտնել անհրաժեշտ նրանց ձևակերպումը գյուղկոոպի որևէ ճյուղում»³¹։

Հայաստանի ջրային տնտեսությունը աշխատավոր լայն զանգվածներին իռիգացիոն սխեմաների կառուցման աշխատանքներին մասնակից դարձնելու անհրաժեշտությունից ելնելով և նպատակ ունենալով բարելավել ոռոգման գործը, հանրապետության մելիորատիվ ընկերություններին հանձնեց Սովետական Հայաստանի սահմաններում գտնվող ջրային ամբողջական սխեմանները և նրանց առանձին մասերը։ 1929 թ. հունվարի 7-ից մելիորատիվ ընկերությունների կազմակերպչական ղեկավարությունը անցնում է Հայգյուղկոոպի իրավասության տակ, իսկ Հայջրտնտեսության իրավասության տակ է մնում միայն մելիորատիվ ընկերությունների շահագործման և տեխնիկական ղեկավարությունը³²։

Մելիորատիվ ընկերությունների գործունեությունը ղեկավարելու նպատակով, ինչպես նաև նրանց աշխատանքները մելիորացիայի ասպարեզում կարգավորելու համար 1929 թ. օգոստոսի 9-ին ՀՍՍՀ Ժողկոմխորհը հաստատում է «Ջրային կոոպերացիայի կանոնադրությունը», որի մեջ պարզորոշ շարադրված էր ջրային կոոպերացիայի խնդիրները։ Կանոնադրությունում ասված էր.

27 Տե՛ս նույն տեղում, ֆ. 174, ց. 1, գ. 64, թ. 47։

28 Տե՛ս նույն տեղում, գ. 79, թ. 66։

29 Տե՛ս նույն տեղում, ֆ. 174, ց. 1, գ. 99, թ. 10։

30 Տե՛ս նույն տեղում, գ. 85, թ. 103։

31 Նույն տեղում։

32 Տե՛ս նույն տեղում, ֆ. 174, ց. 1, գ. 20, թ. 6։

որ կոոպերացիայի նպատակն է հանրապետությունում զարգացնել ոռոգման սիստեմը, կազմակերպել ճիշտ ջրաբաշխում և պահպանել եղած ջրաշինարարական կառուցվածքները:

Ջրային կոոպերացիան ստորաբաժանվում է ջրային կոլեկտիվի և մեխիորատիվ ընկերության: Ջրային կոլեկտիվը մի կազմակերպություն էր, որը համախմբված լինելով գոյություն ունեցող որևէ ջրաշինարարական կառուցվածքի շուրջը, շահագործում էր գոյություն ունեցող ոռոգման սիստեմը:

Անդրժողովուրդը 1927 թ. օգոստոսի 18-ի «Ջրային կոլեկտիվների մասին» իր որոշման նախագծում տալիս է այդ կոլեկտիվներին ինքնուրույնություն՝ միաժամանակ պահպանելով ջրաբաշխման համար գոյություն ունեցող բոլոր որոշումներն ու օրենքները: Իսկ «Ջրային տուրքի մասին» որոշման նախագծով Անդրժողովուրդը ազատում է այդ տուրքից ջրօգտագործողներին, որոնք համախմբված են ջրային կոլեկտիվում և կատարում են այն բոլոր աշխատանքները, որի համար նախատեսված է ջրային տուրքը:

1928 թ. սեպտեմբերի 1-ի դրությամբ Սովետական Հայաստանում կար 5 ջրային կոլեկտիվ՝ Ալիմահմեդի, Վաղարշապատի, Տավշան Ղշաղի, Արագոյանի և Նրևանի միացյալ, որոնք օգտագործում էին վերանորոգված ու կառուցված ջրանցքներն ու ջրհան կայանները:

Մեխիորատիվ ընկերությունը կազմվում էր շահագրգռվող ջրօգտագործողների կողմից: Պետությունը երկարատև վարկի կարգով նրան բաց էր թողնում պահանջվելիք գումարի մոտ 75%-ը, իսկ մնացած գումարը տալիս էր ինքը՝ ընկերությունը իր անդամների կամ աշխատանքով, կամ դրամով, Այդ աշխատանքն ավարտելուց հետո, երբ արդեն ջրաշինարարական կառուցվածքը պատրաստ էր, մեխիորատիվ ընկերությունը վերածվում էր ջրային կոլեկտիվի: Սակայն և՛ ջրային կոլեկտիվի և՛ մեխիորատիվ ընկերության հիմնական աշխատանքի առանցքը մնում էր նույնը, նրանց նպատակները միևնույնն էին:

ՀՍՍՀ Ժողովուրդը դեռևս 1926 թ. հունվարի 15-ին «Մեխիորատիվ ընկերությունների մասին» իր որոշման մեջ նշում է, որ այդ ընկերություններն իրենց գործունեությունը միավորելու, ինչպես նաև թե՛ հայթայթման, թե՛ տեխնիկական ու արտադրական հարցերն ավելի լավ լուծելու նպատակով իրավունք ունեն մտնելու գյուղատնտեսական արտադրական կոոպերացիայի համապատասխան կազմակերպության մեջ:

«Ջրային կոոպերացիայի կանոնադրության» համաձայն, մեխիոր-կոոպերացիայի գործունեությունը ղեկավարելու նպատակով 1929 թ. նոյեմբերի 1-ից Հայգյուղկոոպին կից կազմակերպվում է ՀՍՍՀ մեխիորատիվ ընկերությունների միությունը («Մեխիորմիությունը»)՝³³ Մեխիորմիության անդրանիկ նախագահ հաստատվեց Անանիա Բերբերյանը:

Մեխիորմիությունն իր սիստեմի մեջ էր ընդգրկում Սովետական Հայաստանի բոլոր մեխիորատիվ ընկերությունները: Նրա ֆունկցիաների մեջ էր մտնում գյուղատնտեսության հողերի բարելավումը, ճահճների չորացումը, ոռոգման, առուների ամրացման, ջրաբաշխման և այլ ջրաշինարարական աշխատանքներ: Հայգյուղկոոպին միանալը վճռական նշանակություն ունեցավ մեխիորատիվ ընկերությունների համար: Մեխիորատիվ ու գյուղատնտեսական մյուս ընկերությունները Հայգյուղկոոպի օգնությամբ ձեռք բերեցին գյուղատնտեսական գործիքներ ու մեքենաներ: Այսպես, օրինակ՝ 1927—1928 թթ. Հայգյուղկոոպը կոոպերատիվ ընկերությունների միջոցով գյուղացիական տնտեսություններին մատակարարել է մոտ 200 տրակտոր, 27 կալսիչ մեքենա, 4726 գութան, 105 զիգագ փոցիս, 181 խոտհնձիչ մեքենա, 50 շարքացան, 100 սերմագտիչ մեքենա, 365 սերգատ մեքենա, 3939 քամհար մեքենա և այլն³⁴: Մեխիորատիվ ընկերությունները Հայգյուղկոոպի սիստեմում զգալի աշխատանք կատարեցին ոռոգման սիստեմի հետագա զարգացման համար:

1927—1929 թթ. ընթացքում չորացվեցին Սև ջրի և Զանգիբասարի ճահճները, կառուցվեցին և շահագործման հանձնվեցին Այլը լճի ջրհան կայանն ու նրա ջրանցքը, որը ոռոգեց 3500 հեկտար անջրդի հողատարածություն: 1930 թ. շահագործման հանձնվեց Սարգարաբատի (Հոկտեմբերյանի) ջրանցքը, որի շնորհիվ ոռոգվեց 21 հազար հեկտար հողատարածություն: Ընդարձակվեց Վ. Ի. Լենինի անվան Շիրակի ջրանցքի ոռոգման սիստեմը: Կառուցվեց Խոր Վիրապի ջրհան կայանն ու ջրանցքը: Հանրապետությունում ոռոգման սիստեմի ընդարձակման շնորհիվ ոռոգվող հողատարածությունները 1928 թ. կազմեցին 110 հազար հեկտար³⁵: 1926—1928 թթ. հանրապե-

³³ Տե՛ս նույն տեղում, ֆ. 174, ց. 1, գ. 96, թ. 72:

³⁴ Տե՛ս «Соцстроительство Арм. ССР 1920—1940 гг.», Ереван, 1940 г., стр. 48.

³⁵ Տե՛ս «Социалистическое строительство Армянской ССР (1920—1940 гг.)», изд. УНХУ, Ереван, 1940, стр. 62.

տության ոռոգման սիստեմի զարգացման համար պետության կողմից հատկացվել է 5 միլիոն ռուբլի³⁶։

1929 թ. հանրապետությունում ծավալվում է սոցիալիստական մրցությունը։ Հանրապետության բանվոր-ծառայողների օրինակով սոցիալիստական մրցության մեջ են մտնում նաև մեխիորատիվ ընկերությունները։

Այսպես, օրինակ, 1930 թ. ապրիլի 15-ին Լենինականի մեխիորատիվ ընկերության վարչությունը սոցմրցման մեջ է մտնում Երևանի միացյալ մեխիորատիվ ընկերության հետ և կնքում պայմանագիր։ Ընկերությունները պարտավորվում են վերացնել ջրի կորուստը, պահպանել ճիշտ դասակարգային դիժ, ժամանակին դանձել ջրային հարկը, կապել անհատական սոցմրցման պայմանագիր ընկերության աշխատակիցների միջև, հրավիրել ընկերության համագումար, ընդարձակել ցանքատարածությունները։ Հանրապետության ոռոգման սիստեմի զարգացման գործում մեխիորատիվ ընկերությունները պատվով են կատարում սոցիալիստական մրցությամբ ստանձնած իրենց պարտավորությունները։

Ոռոգման սիստեմի զարգացումը նպաստեց գյուղատնտեսական արտադրանքի ավելացմանը։ 1928 թ. ցանքատարածությունները արդեն անցել էին միջպատերազմյան 1913 թ. չափերից, և հացահատիկային կուլտուրաների համախառն բերքը 53,3 հազար տոննայով գերազանցել էր այդ ժամանակաշրջանի մակարդակը։ Եթե 1913 թ. Հայաստանում արտադրվել է 177,9 հազար տոննա հացահատիկ, ապա 1928 թ.՝ 231,2 հազար տոննա³⁷։

Համկ(բ)Կ Ն V համագումարի որոշումների համաձայն, 1929 թ. Սովետական Հայաստանում սկսվում է համատարած կոլեկտիվացումը։ Դեռևս 1928 թ. հանրապետությունում կազմակերպվել էին 55 կոլտնտեսություններ։ 1929 թ. կոլտնտեսությունների թիվը կազմեց 178, իսկ 1930 թվականին՝ 380, որոնց մեջ ընդգրկվել էին արդեն 15900 տնտեսություններ։ 1930 թ. կոլտնտեսությունների ձևերում էր գտնվում ամբողջ ցանքային տարածությունների 10,1%, իսկ հնգամյակի վերջին տարում՝ 1932 թվականին՝ 40% -ը³⁸։

Համատարած կոլեկտիվացումն ինքնըստինքյան ստեղծեց այնպիսի նախապայման, որ մեխիորատիվ ընկերությունները տեղերում դարձան ավելորդ, որովհետև նոր ընկերություն հիմնելը կազմակերպչորեն արդեն ձեռավորված կոլտնտեսություններում աննպատակ էր և անտեղի։ Սակայն ամեն դեպքում մեխիորատիվ կազմակերպություն ունենալը անհրաժեշտ էր։ Այս տեսակետից մեխիորատիվ ընկերությունների ֆունկցիաները վերապահվեցին կոլտնտեսություններին՝ համատարած կոլեկտիվացված շրջաններում, իսկ այն գյուղերում, որտեղ կոլեկտիվացված էր գյուղի մի մասը, մեխիորատիվ ընկերությունները պահպանվեցին, որոնց մեջ իրրե անդամ կարող էին լինել նաև կոլտնտեսականները։

Նպատակահարմար գտնվեց մեխիորատիվ կոոպերատիվ կազմակերպությունների ֆունկցիաները հանձնել կոլտնտեսությունների շրջանային միություններին, որոնց խորհուրդներին կից կազմակերպվեցին մեխիորատիվ սեկցիաներ։ Իսկ մեխիորատիվ սեկցիաների և ընկերությունների ղեկավար մարմինը հանդիսացավ Հայգյուղկոոպին կից համապատասխան միությունը։

Այսպիսով, 1930 թ. համատարած կոլեկտիվացման հիման վրա մեխիորատիվ ընկերությունների ֆունկցիաները տվեցին կոլտնտեսություններին և մեխիորատիվ աշխատանքները հանձնարարվեցին նրանց։

Սովետական Հայաստանում կազմակերպված գյուղատնտեսական արտադրողական կոոպերատիվ կազմակերպություններն ու մեխիորատիվ ընկերությունները հող նախապատրաստեցին հետագայում գյուղատնտեսությունը սոցիալիստական ձևով վերակառուցելու համար։

Մեխիորատիվ ընկերությունները մեկոոպերացիայի ենթարկեցին հանրապետության գյուղական աղղաբնակչությանը, նպաստեցին միջակ գյուղացիության շրջադարձին դեպի կոոպերատիվ կազմակերպություն և հետագայում՝ կոլեկտիվ տնտեսություն։ Մեծ է մեխիորատիվ ընկերությունների դերը գյուղական աղղաբնակչության միավորման գործում։

Մեխիորատիվ կոոպերացիան, ինչպես նաև գյուղատնտեսական կոոպերացիայի պարզ ձևերը կարևոր նախադրյալներ ստեղծեցին կոլտնտեսությունների կազմակերպման գործում։ Սովետական Հայաստանում զործող մեխիորատիվ ընկերությունները և մյուս կոոպերատիվ կազմակերպությունները Վ. Ի. Լենինի հանձնարեղ կոոպերատիվ պլանի իրականացման փայլուն արգասիքն էին։

³⁶ См. там же, стр. 47.

³⁷ Տե՛ս Ն. Թ. ու մ. ա. ն. յ. ա. ն., Հայաստանի սոցիալիստական էկոնոմիկայի զարգացումը, 1962, էջ 93։

³⁸ Տե՛ս նույն տեղում, էջ 109։